

溫江縣鄉土志

地280.21

1539

0124

書
號
函 4 冊
登錄號 86683

宣統元年仲夏月鑄

溫江縣鄉土志

板存官高小學堂

溫江縣鄉土志敘

光緒三十一年 京師編書局以初等小學宜按鄉土歷史地理物產撰定例目咨學務大臣請 旨飭下督撫發縣按例目成書上之以俟審定 學傳 時承乏邑高等小學堂校長縣尹鄧俊照會董其事夫國民教育必先使其子弟悉其土地山川人物之美而生愛國之心固已竊有感者吾邑建置歷千二百年其地土脈沖融江水溫潤無巖惡險怪之性意必有仁義中正偉大不世出之賢篤生其間即不易得其民亦必忠信端良而易爲君子獨惜上下千載書記缺略故老流微渺然與江波並逝徒見原田腴美百物爭秀而近世閭里風俗習尚之卑轉覺摩厲振興之無自豈非觀感之資稍乏耶則歷史視地理物產其本末先後尤有在也是編之成儻謂可以沐浴人心陶鑄社會其或然耶舊志頗嫌簡陋且距今百年未及修補遠者無徵近者復佚雖悉心咨考汗雨冰凍不廢鉛槧然僅一寒暑不敢謂毫髮之無憾也既不獲辭命惟勉強畢事以俟 大人君子之教是役也調查爲孝廉趙君鍾靈明經李君珍高君應崧茂才唐君炳文測繪爲茂才楊君鶴琴校刊爲明經趙君建中并得書

溫江縣鄉土志

卷一

光緒三十三年二月上泮

里人曾學傳



溫江縣鄉土志目錄

卷一

歷史

卷二

政績錄

卷三

兵事錄

卷四

耆舊錄一

卷五

耆舊錄二

卷六

溫江縣鄉土志

卷一

耆舊錄三

卷七

耆舊錄補

卷八

人類

戶口

氏族

宗教

實業

卷九

地理

卷十

山

水

道路

卷十一

物產上

卷十二

物產下

商務

溫江縣鄉土志

卷一

二

溫江縣鄉土志卷一

里人曾學傳輯

歷史

古者閭里有史歲時有紀民之賢能畢書後世州縣志殆其流歟溫江舊乘脫略爲地方歷史最大之缺點爰搜殘補罅綜其大端故事及前賢懿行著於篇備採擇焉

溫江縣建置年代

溫江縣西魏恭帝二年置隋開皇三年省入郫縣仁壽三年改置萬春縣大業二年又省入郫縣唐武德三年復置萬春縣貞觀元年改爲溫江屬益州今縣名始定

縣治新開江繞其北東楊柳江纏其西南兩水環流舊皆被溫江之名以江水溫潤故也

溫江縣鄉土志

卷一

溫江縣未置以前

唐虞夏屬梁州

禹貢華陽黑水爲梁州東距華山之南西距黑水爲梁州域今四川全境皆隸此州一

商周屬雍州

商周之世梁州東境併入荆豫西境併入雍州

春秋戰國屬蜀國

蜀之爲國最古黃帝爲其子昌意娶蜀山氏女生帝顓頊後封其支庶於蜀世爲侯伯歷夏商周武王伐紂蜀與焉周失綱紀有蜀侯蠶叢始稱王次日柏灌次日魚鳧魚鳧田於湔山隱去蜀人思之爲立祠今溫江縣城北十二里有魚鳧城遺址相傳爲魚鳧王都魚鳧後有王曰杜宇徙都郫號望帝其相鼈靈決



玉壘除水害杜宇禪位鼈靈隱於西山時二月子鵠鳴蜀人因
號杜鵑以志思慕鼈靈王蜀號開明氏傳十二世為秦所滅時
慎觀王
五年

秦屬蜀郡郫縣

秦惠王滅蜀始皇改蜀國為郡因蜀王杜宇故都置郫縣今温
江縣皆郫縣地

漢屬蜀郡郫江原二縣後漢蜀因之

漢置江原縣今崇慶州隸蜀郡今温江縣東北屬郫縣西南屬江原
縣

晉屬蜀郡郫江原二縣後分屬晉原郡宋因之

永嘉中李雄據蜀改江原縣為漢原郡永和三年歸晉改晉原
郡

温江縣鄉土志

卷一

二

齊屬蜀郡郫縣分屬晉康郡江原縣

齊改晉原郡為晉康郡

梁屬蜀郡郫縣分屬江原郡江原縣

梁改晉康郡為江原郡

温江縣既置以後

唐天寶元年屬蜀郡至德二載屬成都府

宋太平興國六年屬益州端拱元年屬成都府淳化五年屬益州

咸平四年屬益州路嘉祐五年屬成都府路

元屬成都路

明屬成都府

國朝沿明制屬成都府

記者曰梁元帝即位江陵時武陵王蕭紀稱帝於成都明年紀

伐江陵西魏乘虛遣尉遲迥克成都尋置溫江縣溫江之名始見於歷史及隋遂廢至唐貞觀始定不復改嘗考中國近古盛衰治亂之期自成周至建武一治建武至貞觀一治惟時民族蔚然稱盛則謂唐貞觀元年爲吾邑建置年代可也雖然人羣進化在乎國民迴視貞觀特濫觴耳蓋距今已千二百餘年文明發達當何如哉

溫江縣鄉土志卷二

里人曾學傳輯

政績錄

溫江自建置以來訖於今皆地方待治於官之時代也本境延袤近百里皆平疇膏腴沃衍大江縈帶桑麻之淵文章之府歷唐宋元明上下千年間必有神明之宰爲民父母師帥經紀教導大有造於我阜江而後致此攷之舊乘何闕如也豈吾民素富自治之能力哉抑經兵燹文獻零落不足徵歟舊志載孫漸宋熙甯進士爲邑令著異政有瑞芝產於庭楊天惠瑞芝頌詳其時在紹聖四年又宗道政和中爲邑令有嘉禾甘露之祥攷紹聖政和爲宋政濁亂之世州縣侈陳祥瑞取媚政府以爲異績豈足訓哉又載劉勃元符中爲邑令興學校攷通志及他書

溫江縣鄉土志

卷二

一

無其人惟有劉勃眉州人嘗九上書言時政坐元祐黨籍無令溫江事未敢據爲實錄惟載楊鈞天聖進士由大理屬出爲邑令有致遠長才博通古今蘇興明永樂舉人知溫江縣政事明決有能吏聲李端由進士以御史忤汪直謫永甯經歷署溫江操守清白政惟愛民施之炳南京舉人爲邑令崇禎十一年建四城敵樓十七年死難事詳兵事錄若數公者洵皆良吏惜政績不悉著豈經獻賊亂後甘棠之志桐鄉之蹟掃地盡歟則爲綜鄉土遺愛其惟近徵之 國朝乎惠政約分三大端一曰興利二曰去害三曰聽訟夫民可與樂成難與圖始甫議建立孰殺歌起求有熱心愛民風雨拮据不避勞怨興養立教以利無窮者不恆得也得十人焉曰蕭永茂王瑚王宗祐楊以甯王者聘馮中存李天駿李紹祖王聯陞段東暹弱肉強食吞剝善良豺狼

狐兔憑官藉勢以恣其毒求有鐵面無私不畏強禦除惡務盡以絕民害者不恆得也得四人焉曰劉有儀江錫麒沈樹樺施德培鼠牙雀角盛時不免案牘填委久懸不斷書差鬼蜮顛倒是非最爲民累求有勤慎明決案無留滯弊絕風清閭里稱便者亦不恆得也得三人焉曰劉維嶽吳崇階張鐸

興利

蕭永芄漢軍鑲白旗廕生康熙三年任邑令時經張獻忠屠戮焚毀之餘地方荒殘百廢待舉邑民皆四方流氓胥以大興工役爲難永芄在荒煙蔓草中自捐廉俸建立公廨夫匠趨役者人給米一升銀二分每十人給鹽茶蔬酒若干遠近聞之忻然赴工落成凡祠廟載祀典者皆以次建立瘞遺骸闢荒土修津梁勸農桑興學校凡百拮据靡憚其勞方經營之始眾或難之永芄曰必居其

易誰任其難嘗奉檄督修都江堰鄰縣夫役不至永芄懼曠延時日立即捐募夫役一百八十名刻期蒞事其熱心民事若此王瑚漢軍鑲紅旗監生康熙二十二年任邑令自蕭永芄後邑宰專尙休息無爲瑚涖任見地方凋殘未復日夜謀所以勞徠安集收瘞枯骸養老恤孤捐穀濟貧勸課耕種興築道路畢修一時庶務悉舉且垂意文化捐俸重建賢宮振興學校待士優異導民以禮婚嫁宴會不得奢靡踰制亂後文獻盪然無存復搜殘訪舊創修縣志表章賢良節義忠孝俠烈以勵風教稱賢吏焉典史屈逢善贊襄政務殫心瘁力亦著賢聲

王宗祐廣東樂會人康熙甲子舉人四十五年授邑令邑苦旱澇不時宗祐悉心水利風纏露沐不畏勞頓大江自灌縣離堆下十里東分支渠爲新開江經邑北東正流爲金馬江經邑西南宗祐

爲築江安堰均其水勢又於大江下流濬楊柳渡使邑全境均獲灌溉於是旱不病乾水不病潦田野膏沃禾麻蔚茂民享其利無窮

楊以甯江南人舉順天鄉試康熙六十一年任邑令勤理政事不辭勞勩時地方元氣已復生齒滋長凋敝之象變爲富饒以甯銳意興學以培植人才爲己任士類爭趨之設立義學若干所誦讀之聲溢於街巷性尤明決摘奸發伏人畏其神

王者聘山東蘭山拔貢雍正六年授邑令慈祥愛民恂恂儒吏以振興文教爲首務多士賴其培植邑學宮自王瑚修建後至是殿宇堂階滲漫寢毀者聘捐募重修增建崇聖祠三楹禮儀俎豆煥然一新邑東里許新開江所經流爲赴省通衢舊造土橋屢圯者聘創修石梁邑人德之擢內閣中書

溫江縣鄉土志

卷二

三

馮中存直隸南樂人初爲諸生家貧授徒講學於大河南北者三十年成進士乾隆九年授邑令甫下車卽謀興學倡捐廉俸創修萬春書院於學宮之西落成奉

欽定經書數十帙貯其中復置學田以供膏火公餘輒詣院與諸生析義訂疑娓娓不倦勉以明體達用之學邑人士受其甄陶多所成就復於學宮左右建名宦鄉賢忠義節孝等祠以勵風教建社稷先農各壇於郊爲民祈報歲時與民親講

聖諭廣訓凡地方婚喪無禮之俗悉行禁革立申明亭以表是非善惡之公尤敦本重農或親履阡陌勸課資以果餌農人懽抃一時政務無不勤理葺縣署修街衢繕城郭增雉堞建樓櫓周垣蒔竹柳餘暇補修縣志爲書四卷在任七年民蒙其福

李天駿雲南姚州進士乾隆十九年任邑令勤政愛民培植文教

學宮及文昌廟皆捐置田畝以隆祀典道路津梁無不修理復捐廉創修養濟院於北街置田五十餘畝收養癯獨月給口糧俾窮民無告胥獲安全道光五年邑令宗邛踵修復增糧額爲文勒石皆澤及鮮民食惠無窮云

李紹祖字述軒浙江錢塘監生嘉慶十三年任邑令甫下車周覽四境欲得前事以爲師乃尋繹舊志時距馮中存編定後已六十年因於政事暇續修縣志書成未幾大府修全省通志檄下卽以書上之邑自唐建置歷宋元皆土城明成化間邑令李棠始築石城周六百六十七丈國朝乾隆中邑令海桂謝泰宸林雋等改修磚城周七百三十七丈自嘉慶十一年歷歲傾塌至三百餘丈五門樓櫓胥壞紹祖悉心籌費督紳修築兩載工竣并掘濠緣隄植柳七百株號柳城重修學宮及名宦鄉賢忠義節孝各祠并整葺溫江縣鄉土志

卷二

四

縣治凡百政務靡不勤理在任六年邑境稱治

王聯陞字小麟直隸元城人嘉慶丙子舉人道光十年署邑令悉心民瘼日夜竭蹶謀教養不衰重建書院立學規以造多士創修東養濟院籌置田產收養北院浮額窮民以廣慈惠大江自灌口南下至邑西北境分一支爲楊柳江逕張扉灘悍流疾湍衝突勢劇猛舊於東岸築長隄數百丈曰玉石隄以護民田屢被沖塌聯陞下車卽力籌興築隄基及身純用糯米雜石鈣塗附取鞏固聯陞時往督工賞勞有加夫役人人感奮出力倍尋常工竣自是垂六十年不勞民力修治其惠及遠若此

段東暹字梓升江西宜春舉人同治三年署邑令悉心民事不憚勞勩甫蒞任適養濟院董事某虧空口糧一百零九石五斗屆時無顆粒可支孤貧何何某畏罪自斃東暹立捐籌購米如數貯倉

照章給發未補額者七十餘名亦捐廉按給錢若干并核定章程
遴正神經莞哀愍怨讟變爲懽頌復籌增書院膏火裕三費局經
費初南城大水坍塌前令繕修工未半而輟東暹亟籌完工以資
保障城中衢路泥塗穢塞復督民修治四街如砥又於四城隅濬
文水武水水德水星四塘以禦災培修武廟以崇祀典興廢舉墜
凡所經營皆關大體東暹以署印勤民若此視以官爲傳舍敷衍
一切徒飽宦橐而去者何翅天淵

記者曰昔者閉關時代令宰若數公之經營建設雖百世尸祝
非過也自海禁弛外族沓來與吾人爭性命我官我民所當日
夜矻矻圖進取者豈有極哉夫稼者祀先嗇飪者祭先炊草昧
經綸示不忘所自耳光而大之尤繼起之責也洎斯土者與吾
人有無窮之擔荷能補前賢教養所未及吾族子孫鑄金事之

溫江縣鄉土志

卷二

五

是所願也

去害

劉有儀江西奉新監生嘉慶十二年署邑令剛明果斷有古能吏
風邑豪奈人第性狡黠交通顯要嘗因事設謀執前令呂仕祺短
遂挾制之以威福地方勢傾一時邑人語曰余開口呂坐堂鄉愚
不畏法而畏人第之一怒列任莫敢誰何有儀接篆毅然以除人
第爲首務捕之急人第飾婦服乘肩輿遁省城匿某鉅紳家有儀
率健役搜獲之置於法大吏某私函緩頰卒遣發遠邊邑內肅然
江錫麒字菱石安徽全椒優貢道光二十四年署邑令以化民厚
俗培養士氣爲先務尤勤於治盜時土匪蔡璜糾黨橫行州縣大
府索之急璜走宜賓錫麒遣幹役躡蹤獲之璜黨謀報復欲焚毀
城邑錫麒不動聲色晝夜改裝巡察一夕於東門棧房查獲巨匪

三名發火藥一擔置重刑匪謀始熄錫麒治縣日夜常出不爲風雨稍懈鼠牙雀角隨地訊斷民無訟累瓜期已屆卸任前夕三更猶在城東門外有居民曰新官已貼紅報我公何自苦若是錫麒曰今夜若有變誰職其咎其勤民若此錫麒居官緼袍蔬食自奉甚薄去之日囊橐蕭然老幼攀轅而泣者數千人錫麒諭童子曰汝等不必哭好讀書長大孝父母必能成好人至今耆老猶能道之在任時邑西居民伐檀析薪見蟻鑄木心成八分書文曰溫江縣清廉加三級已而果然士紳爲作頌以紀其事

沈樹樺字叔波福建侯官舉人光緒八年署邑令正己率下爲政持大體不苛細惟嚴剔衙蠹差役喚案但准給草鞋錢一百遠者二百格外需索者處以法巨匪李閩龍嘗拒殺制府親兵八名通緝未獲樹樺嚴飭壯勇擒送督轅斬之以徇自是地方甯謐無劫

溫江縣鄉土志

卷二

六

盜案

施德培字君懷浙江烏程人以諸生游幕入蜀官成都府通判光緒十四年署邑令甫下車卽爲文誓於城隍祠一不要錢二不要官三不要命設匪署前令民投牒言事懸鉦大堂訴冤者鳴之一時豪猾斂跡或遠颺境外有老猾胥某素爲地方大蠹因事發覺重責之銅獄中揭其惡懸諸四門并治其子濫冒功牌罪士紳或爲懇求悉受嚴譴官場爲緩頰復提訊重箠之母夫人旋轉亦不可卒處以法邑人至今稱快又擒地棍獨腳龍有大令某函解德培碎其函而置獨腳龍於法邑有素著土豪三人以時無故犯未發卸任後猶以三害未除爲憾德培在官鐵面冰心疾惡若仇而愛民如子邑養濟院聽審所舊爲劣紳姦胥蠹役把持上下百弊叢生德培嚴剔其弊悉心酌定章程刊布以蘇民病士之有行者

尤優異之去之日邑人士餞以詩歌纍纍成帙城北老貢生鄒穰
生平兀冪少許可獨謂施公二百年來無此官也作萬春紀實詩
頌其德政丁母艱扶柩歸遂不復出

記者曰曩者地方之害皆自爲害也豪棍盜賊孰非吾民哉惟
失教育社會蕪惡致之然耳今吾邑衣冠豺虎之習少戢矣然
鬼蜮肆行貌忠樸而心險賊爲毒滋大賢宰官擯之可也若夫
實業淳興則國無游民誰復瞽不畏死哉蓋惟教育溥及使民
德日躋斯進化爲不可量已

聽訟

劉維嶽字松樵江西鄱陽府進士咸豐三年署邑令正己愛民尤
勤聽斷案無留獄呈詞卽日批發訊判以理爲主不問其爲何人
或偶有誤不自諱過必再傳訊改讞然後已細民過犯不用重筆

溫江縣鄉土志

卷二

七

惟薄責以示儆藹然有古循吏風

吳崇階字殿臣安徽涇縣人襲雲騎尉世職同治六年任邑令精
明幹練悉心民事尤勤聽斷大堂懸鉦民有冤屈鳴之卽坐堂皇
審實立簽喚被告究斷民無訟累初苦煩勞久則宴然少事時蜀
寇初平餘氛未盡官兵過境畏崇階清嚴不敢騷擾尤加意文教
獎勵人才爲聘名士主講書院多所造就士林頌之

張鐸字振之陝西蒲城舉人光緒十五年任邑令性嚴明不專寄
耳目於左右御下恩威並用家丁胥役不敢售其姦好接見士民
博訪兼聽遂於邑人賢否風俗得失及閭閻細故無不周知詞訟
是非不勞而立判尤嚴除獄卒私刑革汛地賭局增書院膏火造
大江浮橋皆其惠政之犖犖大者以卓異調簡州遷巴縣渝城爲
川省商埠交涉事道府悉委任之賴以治民教涉訟惟持以法渝

民頌之制府岑春煊以才堪肆應饒於權略奏保軍機處記名擢署重慶府升授川東道卒於官

記者曰孔子嘗言聽訟猶人必也使無訟乎誠哉言也然亦未有枉直不辨天理濶淆可臻郅治者也故片言折獄聖門取焉雖然人心各具法律必使民德克明乃爲治本自非教化之盛烏能及此乎

以上三大端自康熙訖於光緒凡十七人若夫不名一端而宅心慈惠以德化民者亦古之循良也得劉文蔚章燮趙家蕙三人并著錄之以志不忘

劉文蔚字適軒江蘇武進進士道光十一年任邑令慈祥愛民敦尙文教親書正誼明道四字刊示書院諸生聽訟不輕施箠楚雖獲盜賊亦懇懇訓以改過自新給錢令覓生業遺之化及羣盜後

溫江縣鄉土志

卷二

八

因事鐫級大府檄赴滇購銅時川南及滇境萑苻充斥官吏目爲畏途文蔚怡然就道及反抵甯遠羣盜相戒勿犯且護送以歸文蔚沒後邑人思其德刻木像祀之

章燮字晉洲貴州畢節舉人道光二十五年任邑令專崇教化以陶民俗邑人好訟爲撰息訟說戒之且刊布正俗戒殺等書啟牖愚氓一時化莠爲良者甚眾重修學宮規模宏偉大成殿棟木適中文成太極圖左右二龍繞之其文深入膚理論者以爲吾邑文化大昌之兆云

趙家蕙字季香貴州廣順進士光緒二十九年署邑令性慈惠寬大視百姓若家人聽訟不以威斷惟用勸導邑西楊柳江玉石隄自光緒二十七年大水衝塌迭經修理旋即蕩圮至是楊又溝敖家灣蕭家灣復大水衝決淹沒民田數十頃家蕙乘肩輿涉水中

踏勘災黎滿目盡然淚下遂爲竭誠籌款自玉石隄以下諸隄皆逐一修固以紓民患沿江之民無不頌趙公德者年滿留任旋因學務積案詳報延緩被撤去之日黎者婦孺攀轅塞塗爲流涕者有之三十二年卒於彭縣任所邑士民被其澤者無不爭往哭弔焉

記者曰今大地文明之國皆重地方自治而吾民資格猶穉幼不逮也然豈以此終古哉雖曰得一賢宰則一邑治然吾民狂焉習爲倚賴勢力之性德卑才弱卒不能與外族競爭此豈國之利乎彼以學風日熾民智闡通爲不利者是猶父兄不欲其子弟之成立而甘任其勞劇以爲己利也豈世界之通誼哉夫勤於教者逸於治則地方之興未艾也設諸賢目擊今日吾知其聲績必不止此也後之滄斯邑者誠以愛國之心對付吾人

其垂光史界不更遠哉